

上海圖書館藏



830998




830998

二知軒




詩鈔十

四卷





序



昔虞廷依永音振球鏞漢殿聯吟詞鄙東  
郭故知才際其盛以揄揚爲貴境值其通  
非窮愁可擬詩之爲道匪一端矣 方伯  
子箴先生擢穎詞垣宣聲鹽筴讀卷咸破  
擘箋若飛日嘗刪作三千存卷十四遞郵  
端水命以弁言時則蘭風送馨竹雨初歇  
披簡光發紅烏失輝歛襟氣澄涼露已沁

序

一

駭乎若風雲之炫灑乎若沆瀣之流揚摧  
而言蓋有三變方其成名卯歲待試秋風  
飛白門之艤艫賞維揚之烟雨吳江楓冷  
鬱其幽思隋苑月明弔彼古豔爰自蜚華  
京兆泊夫待詔金門輪蹄瘁於東西燕鴻  
逐乎南北山遞水驛迢迢行役之章暮雲  
春樹黯黯懷人之什大抵錯鏤金采擷掇  
蘭苔推才子之少年極文人之能事若乃

枯魚銜索浩蕩南征鋌鹿投林倉黃北走  
瀧表沈江之日僅存碎金彭衙照月之辰  
未歌長劍燕市再至烏臺直上懸繡囊而  
貯句飛霜簡而抽毫瑣闡韻事初擊鉢於  
煎茶古寺花時間聯鑣而挈榼斯則偶存  
爪迹未罄心靈雖老律漸精而篋藏尙尠  
十數年來一鬢而已至若節持函蕩一麾  
來南極之天任寄監司百粵重北門之管

序

二

全家度嶠五嶺開雲斯時也江山古秀臨  
瀆武而高歌簿領餘閒呼湜籍而鬪韻車  
斜爭疊險過岐亭競病分題詞高石鼎況  
復烽火未息鄉園不歸登高而古悲自生  
望遠而今緒紛集傷心碧血則旨述八哀  
蒿目黎蒸則感深三別蘭成去故之悲子  
美憶昔之作莫不聲莫金石思泣鬼神九  
天灑氣盪爲長風萬里洪流瀉此巨浪讀



韶州以後之詩蓋浩浩乎莫可涯焉或以  
亂生汴水意感徬徨客至羌村境疑夢寐  
當其崎嶇移家契闊避寇未聞悲憤之旨  
詎以歡娛爲工豈知金華殿上早謝蛩吟  
飯粳山頭靡宜鸞嘯彼潢池之盜弄匪巨  
浸之滔天遇各一時無容舉例卽謂浣花  
律細始於秦中坡老平淡造於海外 先  
生節旄坐致台鼎非遙一官一集再接再

序

三

厲亦當引喙中宮淒悲謝徵他日者九命  
建旂八州作督高達夫之西蜀暮歲旌幢  
裴中令之洛陽清時鐘鼓永叔晚境已超  
宛陵道園老吏將輕曼碩豈止尙書北闕  
開府江南與我爲三於古無伍已哉會昌  
一品再來鄭亞之題端庫部四兄幸附昌  
黎之篇末雖詞慚黃絹目眩朱毫拙集若  
成亦欲借還璧爲重也同治五年夏六月

番禺李光廷序

序



四

三



序

詩之作也有本焉有文焉本者何性情是也文者何風格是也性情無古今者也風格之高下則若有時代限之詩三百篇牢籠天地囊括古今原本物情諷切治體總統理性闡發道真近也實遠淺也實深辭有盡而意無窮也自漢魏而下歷唐宋元明其間作者不絕如縷然就其盛論之則

序

一

唐可以躋漢魏卽宋元明之盛者亦不減於唐何者性情無古今一也蓋性情摯而風格高者有之矣未有性情不摯而風格能高者也若不本於性情雖徒言風格模範山水觴詠花月刻畫蟲鳥陶寫絲竹其辭文而其旨未必深也其意豪而其心未必廣也其性往復而其情未必厚也卽若其旨遠於鄙倍而其辭未必盡文也其心

歸於和平而其意未必盡豪也其性篤於忠愛而其情未必盡能往復也蓋必思乾坤之變知古今之宜觀萬物之理備四時之氣其幽憂隱忍慷慨頽仰發爲詠歌若自嘲若自悼又若自慰而千百世後讀者亦若在其身同其遇而淒然太息悵然流涕也此本立而文行者耳夫古詩人之詠歌也廓乎廣大靡所不備美乎精微靡

序

二

所不貫觀於誰適爲容知閨怨之貞去也與子偕作知塞曲之雄心也於女信宿知戀德之衷悃也攜手同行知招隱之姱節也示我周行知乞言之虛懷也周爰咨謀知遠游之博采也此詩之本也後世詩人之言性情者實基於此性情旣見而後取乎格以辨其體因而本乎趣以臻其妙其發於詩也爲典雅爲冲澹爲豪健爲穠縟



爲幽婉爲奇險變化從心隨所宜而賦焉  
凡夫日星之燦陳喬岳之聳拔江海之汪  
洋山林之幽冥風雪之摩盪雲霞之鮮麗  
木石之奇詭異域殊方之變幻一發之於  
詩蓋才大者精神意氣與造化相通固  
無施而不可此風格一本於性情者也自  
前代鍾譚詩歸出操觚家奉爲津符雖云  
文存質將以力排飛揚蹈厲之失其論詩

序

三

也曰清曰真曰合法曰近情夫志文存質  
則天地菁華刊削蕩落風氣之衰亦遂中  
於人心者清而巳閒入於薄真而巳  
或至於率率與薄相乘漸且爲俚爲野矣  
法合矣然法勝則離情近矣然情勝則俚  
此論詩者膠絃鼓瑟等諸山僧之枯禪兀  
坐耳矣定遠方子箴都轉同年性於詩其  
爲詩質有其文蓋性情而兼風格者也集

中感時撫事憫念蒸黎家室孝思交誼懇  
摯泊乎其衷淵乎其量得詩人六義之旨  
矣推之感弔今昔彈壓山川玉泣金啼風  
月騷屑時而豔麗時而悲壯時而清華時  
而雄偉時而冲澹時而激越吐欲沆瀣濬  
淪靈源嶢嶢焉其凌厲也飄飄焉其超舉  
也洋洋焉其暢遂也決乎滌乎而莫涉其  
津涯也風格具在本於性情聽政之餘偶  
序

四

事唵咏其辭文而其旨未嘗不深也其意  
豪而其心未嘗不廣也其情往復而其性  
未嘗不厚也而和平之音忠愛之悃溢於  
楮墨非得三百篇溫柔敦厚之旨者能之  
乎有本者如是也去歲夏識都轉於廣州  
都轉出其二知軒詩藁屬爲訂定已採佳  
篇入海天琴思錄矣今冬常以詩歌贈畚  
往復疊和數十首都轉下筆千言三鼓不



竭囊沙拔幟辟易萬夫及與之論詩尤以  
虛受人洞悉源委茲復以詩藁屬爲之序  
因舉其詣之深才之大心之細以告世之  
讀都轉之詩者乙丑孟冬侯官年愚弟林  
昌彝拜序

序

五



二知軒詩鈔例議

子箴先生觀察出二知軒詩藁九卷命司編校兼屬刪定懋建竊維唐白香山宋陸務觀洋洋纚纚平生萬篇美不勝收故皆手自別擇外此李杜韓蘇集皆出後人編摹每有滄海遺珠之慮斷章賸句往往過而存之殆非作者初心鄙意謂集中詩當並存以待他年論定免使愛我者有虎賁中郎顏標魯公之歎轉爲好龍之葉公累也今名曰二知軒詩鈔明其出於友朋之手其曰別集外集別於正集出於正集之外未刻稿初不厭多也

大邨人至盛年學與季進迴視少作才情發越往往如出兩人東坡訓子弟謂汝曹所見吾老境文字乃絢爛之極歸於平淡實則少作如火如荼也玉局仙人才大如



海如萬斛源泉隨地涌出如水銀瀉地無孔不入持論尙且如此可見學問與境地相爲推移朱子所謂文章千古事得失寸心知亮已陸士衡曰離之雙美合之兩傷與劉彥和同爲此道中深知甘苦之言今編別集外集正師其意

晉宋間人王筠一官一集陶詩則以甲子紀年今分集排纂多寡難齊似不若每卷紀年體例尤善後人按年稽之卽可作年譜觀其中有關繫之作卽作詩史讀也可蘇詩自注最多班孟堅漢書諸志已開此例凡時人時事必系以自注使閱者愴然乃不至闇中摸索幾同舛覆

詩人麗則緣情綺靡唐宋名賢不廢言情之作國風楚辭沿及漢魏晉唐此物此志也竹垞晚季拒哲子之請不冒發風懷之

作此真性情與僞道學之別豈但漁洋隨園不畏秀師拈槌豎拂

古樂府新樂府題目不同體裁斯判李杜當時已分道揚鑣元白長慶體風流大鬯元明已來鐵厓西涯詠史又別開門徑竊謂今之新樂府皆有爲之言異時誦讀知人論世端在乎是必當系年使讀者有據詩襍仙心山水方滋魏晉齊梁已自分塗

三

國初人有朱貪多王愛好之訊如閉戶造車出門合轍乾隆朝才人學人連鑣接軫初考經史後綴說部其始皆出於昌黎其做遂流爲類書集中不作考據詩極爲得體

總集分體勑自昭明別集乃一家言不應強分畛域選詩者爲後人法程故不能無所別擇然文選於何遜不登一字爲例最



卓旣免標榜又不至文人相輕至於擇尤  
標雋嘗鼎一臠轉啟佗日魚目砒砒之譙  
不如兼收並蓄雞有千蹠狐有千腋拔十  
得五此事聽之千秋

初欲分別部居不相雜廁及思倡和之什  
勢難割隸感舊懷人亦多各具首尾今惟  
近豔體竹枝者入別集聯句無多亦增焉  
穀人祭酒以古賦入駢文律賦八韻詩爲  
四

外集今畧做其意以詠物諸篇附長律至  
長排百數十韻洋洋大篇古人於此見才  
力當仍入正集

春二三月讀鄭小谷詩五言古山水清音  
幽秀奧折七言律古撫時感事兼擅盛場  
惟多存酬應是隨園一派耳

節院小住晴雨不時小窗淨几飽讀十日  
迴環三過分別作識初朱後墨凡正集圍

○別集鐵△外集、選鈔者題下重規識  
之○○

同治三年太歲甲子夏四月嘉應楊懋建  
掌生





後序

子箴先生咸豐初元遊粵越十年來領觀  
察使同治三年四月懋建自陽山來謁

公授二知軒詩九卷受而讀之凡二十日  
三四過作而歎曰先民有言詩以道性情  
今東洲何公所謂真也宋齊間人謂謝康  
樂詩如初日芙蓉妙出天然唐白香山宋  
陸放翁生平詩最多大致與謝同其自然  
其與李杜韓蘇固殊塗而一致也

六

公少讀中祕書屢掌文衡爲言官所獻納  
必關大計強仕之年出爲方面重臣佗日  
功業在天下固不必以餘事作詩人爲重  
也顧自言性情雅好吟咏今所存者已二  
千餘篇命懋建司編校兼屬刪定懋建小  
儒烏足知公詩顧承虛衷下問輒就談

聞隙見效一得竊闕見

公之詩初由漁洋以上追白陸春容大雅  
無鉤章棘句無凡響浮聲及其學與年進  
寢饋於杜韓蘇集於是合三家共爐而冶  
而其才力又足以兼眾長而達其所見東  
坡如萬斛原泉隨地涌出如水銀瀉地無  
孔不入洋洋乎大觀已

公之心猶若欲然不自足者且將以懋建  
爲佗山之石則吾豈敢顧念韓門有湜籍

七

蘇門有秦黃學業造詣各各不同皆能各  
出其論議相上下而漢以梁邱據以水濟  
水爲戒我思古人願學未能謹就其詩分  
編爲三曰正集別集外集條疏所見於紙  
曰二知軒詩鈔例議而別擇其尤雅者爲  
二知軒詩鈔皆系以紀季異時以爲年譜  
亦卽詩史也韶石集尤多關繫之作氣魄  
亦沈雄故所存特多其詠物閑情諸作標



雋爲嘗鼎一臠計竹垞晚歲拒令子之請  
不肯發風懷詩前事可師也懋建綜論

公之詩蔽以一言曰真蓋無一字不從性  
情流露而出與東洲殆閉戶造車出門合  
轍者從此一官一集如衛武公髦期好學  
更三十年大集哀然當更以數尺計昔朱  
子呼蔡季通爲老友懋建安敢繆埶前賢  
獨私以爲莊子所謂培風之積也厚故其

力能負

八

公之學如日方中與年俱進懋建它日倘  
以扶杖之年以老部民更司編摩則誠厚  
幸

太歲甲子五月五日嘉應楊懋建掌生題

跋

二知軒詩鈔序

夫鼂采致美斯寶光炫烏庶靈挺錫斯神  
鋒淬烏良以好偉好粉張位者辨之也主  
甘主辛合味者調之也自昔顯精之詢聿  
稱瓌異之才若乃馳聲英雄洪伐儀望隆  
於戟戶勛闕著於景鍾獨能揉弄綈緗含  
咀宮徵雲霞彭費光景煥其常新江河灌  
輸波瀾恣其動盪藉非混一蘿衣陶埏性  
靈何以宏鏡別於衆流備兼長於各體也  
乎惟我

子歲年伯才通九知學綜五際數馬之  
對夙傳家風膏龍之姿特秉慧質服匿  
能識陶瓶有藏七十家非夷吾莫詳百六  
公惟張綰能答校文祕閣同景伯之耽書  
給札承明效葱奇之奏賦既乃烏臺秉憲  
熊軾臨風怡任宰益之司兼攝藩理之



職韓宣淖乘禮典能詳郭賀撤帷風規  
愈顯露脂膏而不潤任單復以蕪能宏開  
北府之旌旗定紀南陽之組綬崔宏總八  
部之務不憚繁勞國淵誦兩都之篇即  
能剖決尤耽吟詠風富詞章藉陶冶於  
性情極雕鑄於物類竊嘗讀所著二知  
軒詩鈔而歎其振奇於獨與古為新足  
方軌於陰何並聯鑣於甫白者矣尔其

二

表泚才名謝莊聲譽豪於青兕健搏  
赤猿進河官山柱之文備堯韭舜冠之  
對頌來瑞雨爭傳雲荔之詞賦就卿煙  
共賞玉褒之句署裏咸推邢邵禁中六  
識韓翃出左掖而跨雞棲游上林而陪豹  
尾業揆張手麗藻爭詡譽於奇才此其  
二者一也更若壇坫一時輪蹄萬里方懷  
南食人賦北征蕪沒吹臺荒涼峴井題

詩給事之宅張宴郎官之湖誰詣酒  
樓問糟邱之舊築偶移湘棹識靈均  
之故居胥母潮高梅銷閩遠莫不引商  
刻羽授簡役毫豈唯月露之詞大有  
江山之助朱樓白塔弥憶雅游鐵鎖降  
旛倍增寓感此其工者又一也至乃拈  
裳聯襪之游抹月批風之會元稹屬和  
俾附郵筒李翰抽思豈憑樂曲或車

三

斜鬪捷或競病爭諧秦系欲致乎偏師王  
筠喜押乎強韻唾地而文忽就凌雲而  
意欲飄宛然搏象之能倍顯射雕之勇  
傅偉之句詎敢投來表蝦之文恐將飛  
去激賞者寫於團扇流傳者織於弓衣  
此其工者又一也然使子昂感遇但慕游  
仙記室屬辭空聞招隱終比齊竽之近  
濫有同宋畫之徒華茲則情託纏綿意



存樸率憫農之作自比乎李紳錄囚之  
篇復等於坡老陸士衡有贈弟之製陶  
泉明惟賁子之詩寄端弓而見交情舞  
如意而同懽劇太祝詩卷半言蠶桑喻  
鳧篇章絕少羅綺匪同擊壤之唱足代  
諭蒙之書笑雕檄刻楮以徒矜原素練  
輕謙而致用此其工者又一也又如感事  
蒼茫撫時慷慨孰悲青坂附書願寄

四

官軍也學春陵賦詩輒示僚屬傷汴州  
之久亂憶彭衙之招奔憂端上齊於終  
南消息屢盼乎河北問樂昌之吏弥切  
殷懷詠新豐之翁以聞太息吊騷魂於  
九辯感遺跡於八哀悲歌原挾幽并許  
身乃同稷契喜封大夫之果捷聊作凱  
歌憶呂太一之初平倍屢兵事展溫裘  
而願周吳越撫長劍而欲倚崆峒此其

工者又一也或乃文案紛羅簿書填委  
李普濟事兼粗細沈彥璋才裕方圓  
然且抗志雲霄覃思竹素乞稿之吏脫  
腕而爭抄莫案之賓推襟而闔筆時據  
鞅而作字偶判牘而得詩山簡定悅於  
往來何遜亦欣乎嘯咏堂開杜甫有嚴  
僕射之留題船覓袁宏荷謝鎮西之賞  
鑒清香畫戟玉節油幢唱酬宜有孟郊

五

合樂倘如何武此其工者又一也要惟真  
意是宗灝氣為主取材六代擷秀三唐  
或神似謫仙或意猶玉局疾雷破柱助  
之英揮朝日映簷煥厥文采第作陳芳  
之主妙參曹洞之禪尋真諦於挂鈴振  
雄風於射虎千曲競奏乃云少伯之等  
萬灌齋來自顯椎成之劍所謂上希古  
人下詔來者洵足傳矣且夫鄧林之枝



非藥括不能正也而惟般尔者審之朱苓  
之樂非寸管不能調也而惟伶曠者辨  
之慨自風雅道衰文章格變或凭貴貌  
襲或狐穴冥搜過河北者斥為驢鳴笑  
江左者目為蟬噪吳邁遠詆訶作者本  
自無能陽俊之誤作古人居然傳誦課  
學鄱陽之暴譴猥云正始之餘風原  
致諄於駱駝詎偶思乎螺蛤曹子桓

六

之柅鑿音曲迴殊李記室之襴襦擗  
檐殆盡往之蟲鏤故僻懶祭徒工等枚  
史之俳諧效揚雲之篆刻藉非擅刀圭  
之技速運俞鉞諧絲竹之音俾聆廣樂  
政恐佩無迷穀識比胡廣入唐肆而矜  
奇恃靈舟而獨運孫騫精騎未必能矜  
劉逖春華豈宜復恃提獎後學非

公而誰若華者則才匪彥昇望漸元

晏比張喬之志願難續宗風見絀紹於  
同羣弥欽父執辱承下問深愧夫詞敢獻  
危言庶同惶引本非驥步或附足以能飛  
應笑雙眉竟捧心而獻拙遭逢何幸讚  
歎弥殷豈唯度嶺之稱二合比藏山之不  
朽倘論家法瀛奎之律髓猶存宜冠詞  
壇河嶽之英靈畢萃他日章舉善政請  
重賡蜀道之詩此時沈亞屬文幸得序

七

會昌之集

同治五年歲在丙寅秋七月年愚姪番禺  
張清華謹序



京朝官清簡往職事之暇

作為詩歌以自怡悅而官翰林以

賦頌自效占文事尤近御史臺

此文雜事及近京城亦不煩以事

務係曹司提銓選及刑名之

匪系吏刑占樞院在直者所

夕為勞耳於借休輪番僚

友過從猶多有於文官之業一

外轉則方面連轄民事是膺

監日行省尤必有專政百度持

舉往晨暇給向之所為詩歌

文字之樂不自外其寔積憂

棄人情大抵皆於而獨不以此  
吾子歲子歲之待才博而氣其豈  
肉罔演迤幡屈從遠好保情  
而應物勃乎為春植之奮地  
中勾萌茁發必遂其天為  
而後已也樹竹乎為大塊之噫積

二

不念其所起而沈寥頻末震  
盪土囊之口無所往而弗之  
觸於物而有聲由形乃道  
然自見也燭台為五色之華  
鐫乎為玉聲之會林之乎為  
武庫之甲兵之擊森之而為



得其用也。嘻，其異哉！子歲時  
自甚少，作已卓於能立，而不自  
名。其官京朝，由翰林，歷臺諫，  
有能，名入皆知，其始大起，而顧  
不甚，知其待子歲時為詩，亦不  
甚多，且不數示人，及外傳一觀。

三

察南韶旋都轉兩廣鹵運  
又權方伯之任廣州南海一六都  
會開大庾東南輻湊天下之  
貨物而海鹽食數者綱引綦  
繁維時已彫落條章乃彌  
楚子歲顧銀手武祿是而

弦詩中卷世出探蹟所為  
富有而日新喜其異哉余自始  
後君及今十年乃歎於君所  
志之未盡也名之所為不可測也  
丙寅乞歸道廣州留蹕者  
累月子箴以其詩集屬序方

四

未以為而子箴以屢示所作益  
多且奇余顧何以為之敘哉唯  
然吾聞之矣力生於神天  
之所富厚彼其秉文者必與  
人殊故非其意為不測以異人  
也挾其所有與占不足者迥別



其異出人皆瞠乎莫不測焉  
此子箴之於詩也。不特當煩劇  
之時而強欲為優閒之事。則其  
意名必多。而詩之妙。不足以自  
奇。且多有少。是矣。抑吾觀  
古之豪傑。平時恆不自異人也。

五

一旦當大任。臨大事。乃翹然異  
而不測者。出於子箴。位日進而  
業日高。然則其詩之多是奇。以  
異於人者。不可測者。其小也。然  
因是卜其大也。因治五年冬十一月

馬平王極序



二知軒詩鈔目錄

卷一

古今體詩一百又十二首

卷二

古今體詩一百二十首

卷三

古今體詩一百八十四首

卷四

古今體詩七十六首

卷五

目錄

古今體詩一百六十九首

卷六

古今體詩一百又十首

卷七

古今體詩二百又十一首

卷八

古今體詩一百又十三首

卷九

古今體詩一百五十五首

卷十



古今體詩一百一十首

卷十一

古今體詩一百七十六首

卷十二

古今體詩一百五十四首

卷十三

古今體詩一百一十八首

卷十四

古今體詩一百九十六首

目錄

古今體詩一百二十八首

卷十五

古今體詩一百五十四首

卷十六

古今體詩一百三十六首

卷十七

古今體詩一百一十首

定遠方濬頤子箴

古今體詩一百又十二首

道光戊子至戊戌

詠懷

荆棘塞路隅芝蘭秀崖谷同此榮謝意幽棲世所獨俯  
仰風塵內事機隱相伏志大未卽償譽極猶非福浮雲  
能致雨飄散一何速拙鳥能居巢一枝已云足

天地鍾毓氣物類每得之動植順其性人生復何爲才  
力患不足時運無盛衰他山肯相攻成此磊落姿歧途  
易改轍淵泉浩無涯明鏡恐凝塵皎皎汚者誰

二知軒詩鈔

卷一

荷包牡丹限丹字韻十首

春滿園林景未殘小紅也耐倚欄看香鬚影縐層層粉  
金纈痕銷寸寸檀夜雨紫絲誇蜀客和風錦帶說文官  
詞人欲把魚兒比暖信連朝賽牡丹

縫將柳眼線痕殘百朵鞞紅一捻丹冰縠淡描雲錦薄  
絲囊輕吸露珠團色香縱許描摹稱富貴應知比例難  
輸與張家錢十萬君王帶笑合同看

水晶纓絡翠雲攢葉底玲瓏鬪玉盤不共繡毬翻雪白  
宛隨寶髻漾霞丹圍鑲金帶輕綃碎絨縷銀袍膩粉乾  
遮莫松針能度就夜涼搖曳韻珊珊



何時芳訊透雕欄一架垂垂翡翠竿絳縷雲牽三疊厚  
紅綃春繫二分寒苞香曾鎖鴨頭綠瓣影微描鶴頂丹  
錯落如添騷客佩看花那待入長安

休誇製芰共紉蘭紫綬金章一例看色襯桃緋低簇簇  
豔分薇錦漸團團洛陽漫詡千層繡姚氏還稱七寶冠  
天上星精都幻出連朱底事種山丹

露痕不共麝囊乾綺石文瓷傍曲欄燕子捎來風剪利  
鼠姑織到雨絲殘尙鄰紫袖寒還易若護金鈴繫不難  
應與葛巾分麗質太真新印口脂丹

數枝孌娜傍晴灘花樣新翻子細看欲配雙明添製錦  
二知軒詩鈔 卷一 二

似依百結暗嵌丹光連夜縞吟韓愈彩奪香羅誤謝安  
前度迎春開玉佩移來恰稱影團樂

贏得題襟興更寬不須玉合與銀盤裁量國色人間巧  
組織天香畫裏看閣外離離痕曳紫檻邊疊疊影紆丹  
女紅添入巾箱譜莫道春葱壓線難

芳稱特地報園官點綴春容入畫闌曾否恥將香露滿  
果然舞得蝶雲團葉疑歐碧裁新製枝訝姚黃縮嫩寒  
錦幕千重爭爛漫恍如佳種出延丹

花下開筵興不闌披襟解帶醉顏丹春閨買得應停繡  
香國封時也錫鬢羃厯雅宜蘿幔護離披如倩藕絲攢

若非拈出囊中錦祇恐花王擊節難

和張柏埜明府

應雲

留別詩元韻

卜居曾擷太湖萍仙令雙鳧此蹇停率驥久從燕市過  
彈琴猶許潁川聽花留滿樹如潘縣筍茁深林卽孟庭  
願拜細侯隨竹馬雨膏重沐劍山青

送白也明府移官阜陽

春滿隋隄柳烟清爽谷臺家聲延德雨書舍接封雷藥  
省當時直棠陰到處栽淮濱好山色都入餞筵盃

笑

湖上春山點翠螺金錢應是買來多竹如看盡陰皆醉

二知軒詩鈔

卷一

三

花到拈時氣亦和兩岸猿聲參樹坐千盤雉影射禽過  
最憐人世逢開口一騎紅塵更若何

燈花

小草偏能解向榮深宵開落付棋枰無風自見零星綴  
不蔓應緣鍊火成影幻重臺霞四出酒酣孤館月三更  
笑他頃刻消春夢休咎何堪問短檠

擬杜工部夜宴左氏莊

竹榭烟痕重花陰錦幙張銀河窺暗牖玉水匝華堂把  
酒臨風醉吟詩覺漏長主人真好客勝地漫相忘

鶯



春至鶯聲巧新簧百轉成柳陰栖最穩幽谷思難明望  
遠非無翼遷喬獨有情建章堪一舉燕雀恥爭鳴

風箏

何來妙手付空空逸韻飛騰製最工舒綫直將彈夜月  
鳴絃高不畏天風芳郊弄響嗤兒戲繡閣牽絲罷女紅  
碧落至今留絕調升沈誰與問西東

紫雲得意漸凌空彷彿秦樓一曲中漢殿千聲驚地戶  
臺城萬騎聽春風不須銀甲搗雕錦漫向金閨譜落紅  
分得十三絃上韻鶯飛鎮日柳橋東

爲藉冰繩遠蔽空知音猶自託天公有時帛裂愁嚴霧  
二知軒詩鈔 卷一 四

幾日琴調乞晚風聲價低昂流水急巧思牽引落花紅  
匆匆春過何人惜南部依稀詠宛東

也知音響屬虛空側耳丹霄頃刻中天半如迎散絲雨  
雲邊恰趁過簫風一雙雪翅衝烟碧十丈冰絃映日紅  
仙府霓裳還許和飄揚直到海瀛東

古意

青鳥從西來飛鳴向瀛洲瑤池眾仙集姮娥揚清謳俯  
視塵世間羣生皆蜉蝣山深谷愈險危崖終可憂不如  
乘天風白雲任去留笑傲凌滄江宇宙一浮漚拙哉安

期子海外空遨遊

曉起

簷溜曉猶滴日光懸半竿天臨平野淨雲入翠微寒篁  
韻答歌鳥庭芳攀谷蘭開軒挹晴旭幽徑露痕乾

采茶詞

穀雨清明屈指過鄉關風景說松蘿日來山徑晴烟活  
不向蓮塘理櫂歌

村居連日啟柴扉萬點楊花漸撲衣鳳餅龍團翻舊譜  
蒙山疑是踏青歸

桑陰零落壓梯青蠶事辛勤陌上經獨取清風盈兩袖  
笙歌分韻到泉瓶

二知軒詩鈔

卷一

五

活火清泉一例新攜來村舍餞殘春筠籃千串牙槍綠  
腰鼓靈旗信有神

段太尉笏歌

犬彘爲敵猛虎死捐軀一日忘唇齒血衣斷胄表忠貞  
千載英名照青史請看太尉抱丹心擊賊高風振士林  
愧彼唐家節度使邪黨畢竟皆銷沈自知屈節非吾願  
密謀原足如操券倒印司農術可行叛臣驚懾終何恨  
人謂源休助賊謀鳳翔指日捷旄頭豈期奪笏成公志  
未肯甘心卑事仇軍帳血飛賊膽落手持象版擬霜鏗  
太息後繼不能前棄笏從容就束縛綬封三百猶如舊



靈岳明禮計相授入宮初却黑衣兵擊柝何人來拯救  
倘教摺笏長安城宴賜美備酬東征領師奉牒預止禍  
何至賊事須公成此笏此人足千古墓門不近賊營土  
至今古木枝交蟠忠魂凜凜秋風寒嗚呼他人畏死衣  
金紫祇知舉笏拜朱泚

項王

太息烏騅事業空天心何事忌重瞳牧兒抱恨隨江水  
亭長逃軍有沛宮劫火烟騰秦殿碧澤泥胄落楚營紅  
回思帳下悲歌起博得多情也自雄

玉斗摧殘亦壯哉解圍何至見疑猜江東父老非真識  
二知軒詩鈔 卷一 六

鉅鹿諸侯豈霸才卮酒約婚家事去彘肩獻說漢兵來  
最憐三傑歸人手佩玦無歡逝水哀

漢高祖

大度無人識漢王風雲海內慶飛揚關中壯業三河水  
霸上殘軍一騎霜蕢酒漫隨知已重論功猶恐故人忘  
削平自古勞鞍馬下魯偏教厚德彰

刑誅原覺君恩薄嫚罵難云士望尊坑卒叛逃同有患  
焚書禮樂久無存筑聲飛月碣雲破劍氣揚沙睢水渾  
立嗣獨疑開女禍商山枉自叩君門

朝廷重求賢薦舉必以公章牘達主聽期與人心同權  
門易趨附沈淪皆英雄朱衣共魚袋毋乃殄厥躬宰輔  
能用人卓哉呂聖功釋褐定子職照鏡鄙磨銅選才日  
三對拾遺惟效忠胡爲外議起無能失所崇豈知薦剡  
名取之自囊中筆底寓陶甄衡平鑑亦空世衰道義廢  
寸牘朱門通懷刺投所好權勢蔽其聰如公世所罕物  
微用靡窮上以圖治術下以勵士風其唯施師點汲引  
同虛衷

大木

大木生空山鸞鳳翔其林蒼條摩天風時聞鐘磬音樵  
二知軒詩鈔卷一

七

子却不顧棄之崑崙岑云是爨下物此材難爲琴盤錯  
節不見誰識歲寒心

孟夏園中作

杞葉障疎籬薜荔緣牆東松陰鬱古翠巖花幽自紅池  
波淨如洗蓮葉含薰風坐久生遠思雲暗煙濛濛

繡毬

箇中組織費裁量月殿晶簾夜有霜羅綺包容眾香國  
光陰躑躅少年場人憐苦恨拈金線花到春濃賽米囊  
混沌乾坤開幻相好隨雲錦乞天章

枕上口占



夢爲狂飈破悲鳴感不禁驟聞風雨至翻覺漏聲沈長  
笛樓頭倚胡笳塞上吟淒涼同况味中夜一披襟

擬王摩詰輞川閒居贈裴秀才迪

白雲生野逕湖水自浚浚不覺山中樂綠陰飛一蟬老  
漁眠釣網羣鳥散村煙獨坐更長嘯彈琴竹里前

春駒

羅浮山色鬱蒼蒼仙蝶蹁躚七寶粧雲護雙輪迷伯樂  
圖成八駿讓滕王乘風競說春如海撲戶還疑隙有光  
羸得芳稱驂影幻定知紫燕類紅陽

沿隄如帶草迷離正是荒郊試馬時珠勒頻驚莊叟夢

二知軒詩鈔

卷一

八

玉驄爭唱謝家詩影翻鞍下金鈴逐粉繁花間錦翅隨  
桂蠹通神侔驥足採蘭譜就更摻奇

獵蠅

記室工爲獵污樊義必懲製非思市脯詠不繼營蠅羶  
竊應開網魚驅合避繪香餚粘素粒團扇裂吳綾青障  
驚圍合紅絲訝火騰劍鋒銛可逐筆陣誤相矜盤馬餘  
腥失連珠弱翅凝尾偏慙附驥頭似怯鞞鷹撲蝶花封  
比祛蚊夜市曾手談蟲莫近豆擊虎能勝跡但誇鑽紙  
情應畏語冰几空香到酒弓小月開棚螳臂撐難恃蝸  
巢搗更增薨薨徒示佞擾擾漫呼朋棘樹羅千點屏山

入幾層論功虞白璧獻賞忽朱繩祭豈禽爲主攻知世  
所憎金樓傳韻事盧氏技同稱

蠶豆

紫花開處蹙雙蛾翠筴凝酥碧玉搓領畧餘芬如煮繭  
相思休說軟紅多

紺珠剖出敵龍精付與桑陰護短棚葦箔勻排千箇綠  
不知食葉有無聲

相煎似爲纈車急同體誰知菽麥分祠過馬頭供一飽  
日斜冰井汲澄芬

庚寅端午和汪雲士師作

二知軒詩鈔

卷一

九

烟波五載記吳中勝日趨庭樂意融絕塞歸來長劍碧  
故園客至綺筵紅新荷半落迎時雨高柳初齊靜晚風  
絳帳獨深知已感晝長相待過岩櫳

話久茅檐漏夕陽歡聯四座競飛觴遙峯帶潤欲添色  
細草鋪濃初吐香賢似孟嘗遭俗忌貧如王粲覺情長  
只應有酒傾蒲葉莫爲離家歎異鄉

擬杜工部端午日賜衣

珍重暑衣名來從殿陛榮榴花迎仗發蟬翼著身輕德  
洽薰風被光含曉露清退朝欣適體寒煥本民情

題畫



質出泥滓不染花凌高寒不枯髯蘇竹林筆意迂倪江  
上畫圖

芙蓉豔生秋水菡萏枝向朝陽靜對凌波素縷如聞染  
翰天香

立夏茶

四月新茶韻事留土風饋送憶杭州雨絲隔轍千村灑  
山果盈筐一串投碧筍開廚同綺席青梅煮酒共冰甌  
怪他詩思清於水新向蒙山頂上遊

駐顏酒

治龔曾乞社公筵李汁新誇麗色鮮白墮不隨松蓋瀉  
二知軒詩鈔卷一

十

丹砂應伴藥爐煎情深紅袖依鸞閣香壓黃瓜詠虎泉  
鶴髮還童須記取釀來剛在雀風前

荷露煎茶

幽齋煮茗挹清芬不數牀頭一甕雲花氣淨隨天氣釀  
茶烟濃倩柳烟分半爐松葉煨青火萬疊蓮臺漾碧紋  
顆顆珠璣都沁骨納涼那待晚香薰

底誇承露建金莖好貯銀瓶鼓玉笙香吸半塘寒浥浥  
味煎一串碧盈盈雲腴屑浸珠光膩瓊液朝浮花影清  
願學盧仝吟七椀披襟還解六郎醒

筍羹

藜藿高風孰與儔閒烹碧澗煮貓頭饞如太守清貧戀  
香到兒孫氣味投糝玉聯吟瓊島樂芹絲得句竹林遊  
禪機悟出參寮趣笑問坡仙似此不

梅酒

開觴傾倒屬英雄偉論縱橫一席中可許和羹鄰杜氏  
遙知止渴學曹公百花頭上春先買五斗樽前標欲空  
酸味只應儕芍醬聞雷底事太匆匆

麥飯

前宵餅餌詠香風一笑盧胡玉椀空雲子鈔來攬浪碧  
霜苞捧出混蓮紅炊痕被隴柴門外晨氣迎秋翠釜中  
二知軒詩鈔 卷一  
待到瑯琊收早稻銀匙翻雪慶年豐

榆糕

題詩曾記傲劉郎翠筴繽紛忽送香槐葉淘時應共冷  
棗花飼處定先嘗錢分白打招桐榼屑裏紅綾雜蔗糖  
種出星精添食譜籬邊竹葉更盈觴

辛卯九月初至金陵

建業雲山入眼新秦淮烟雨漾輕塵今朝快遂乘風志  
千里龍門欲問津

遊隨園

仙佛公卿亦等閒才人有意老江關三分流水二分竹



一面樓臺兩面山，笑傲當時空海內。烟霞今日在人間，  
凭欄不盡低徊感。夕照西沈未忍還。

紫玉蘭

名花第一鬪芳辰，木筆初開色倍新。潔白已供騷客佩，  
鮮妍更壓魏家春。痕紆霞綵香難襲，影裊烟叢粉半勻。  
空谷仙人無此麗，風前瑤樹迥離塵。

湘江種出萬瓊枝，別樣翻來紫府宜。幽徑遙連山色暮，  
汀洲斜掠燕聲遲。李花合誦東坡句，芝瑞聯吟漢殿詩。  
月榭溶溶堆絮雪，何如欄外賞辛夷。

女兒海棠

壬辰三月都中作

二知軒詩鈔

卷一

七

此花真合喚卿卿，嬌蕊娉婷劇有情。不比秋風斷腸草，  
愁紅怨綠兩淒清。

香魂西府盼重來，銀燭高燒玉鏡臺。應是長安多雨露，  
東皇著意爲栽培。

丁香

幽芳移傍小池隈，白白朱朱次第開。淡若梨花同雪舞，  
輕於柳絮怕風催。鮮姿綽約芙蓉暈，媚影婆娑荳蔻胎。  
百結同心渾不異，春情鬱鬱繞粧臺。

黃壽丹

依稀秋葉綻疎林，掃盡鉛華見古心。記取金丹能換骨，

羣芳愧煞白頭吟

輓葉雨亭 癸巳

仰視南山喬俯觀北山梓草木有至性何況屬毛裏哀  
哉孝子心肫懇動閭里承歡七十載親老子先死憶昔  
承歡日高堂足怙恃胡爲命不辰春暉長已矣泣血守  
慈幃三年不露齒忍慟慰嚴親終身節哀毀兩季已成  
立友于愛弗弛雍穆無間言同心謀菽水夕膳並晨饘  
白首供甘旨靈椿老逾茂孫枝亦秀美樂與南陔齊痛  
忽西河比竭蹶奉高年劬勞乃至此人生天地間所重  
在倫紀全受復全歸修短同一理寄語百歲人有孫如  
二知軒詩鈔 卷一

有子

勵志

逝者不能返來者猶可追光陰曾幾何惜此少年時居  
諸一虛擲髣髴俄成絲詩書豈負人悠忽每失之寸陰  
不我駐時過安能爲

茶仙

聞道雲腴出上清仙居鎮日露芽烹丹邱不用燒丹竈  
紫府曾教鬪紫英解渴定栽蓬島樹通靈還讓玉川生  
真茶飲罷堪驅睡偏使希夷夢不成

月團天上攜來久換骨輕身羨若何蒙頂記邀禪室侶



武夷譜入幔亭歌經繙古洞參森伯人到空山飲穆佗  
遙想天都三十六濛濛雲氣護松蘿

酒仙

駐顏端合賜流霞捧出天廚興正賒擬向崑崙醉匏葉  
願遊滄海酌桃花紅梁白墮人間品金液瓊粕世外誇  
記得仙翁開宴地謝元卿共蔡經家

黃封那用羨紅塵領袖仙班賀季真不死豈辭千日醉  
養生須釀百花春甕邊畢卓耽幽趣籬畔陶潛結淨因  
從此瀛洲攜手去酒星天上作芳鄰

詩仙

二知軒詩鈔

卷一

四

笑傲滄洲不計年堯賓空賦小遊仙雲霞落落吟三鳥  
珠玉聲聲降九天黃紙新除丹鳳詔瓊宮夜授碧鸞箋  
詞芒直許冲霄漢豈在蓬萊淺水邊

青蓮以後竟無才長吉詩囊豈足推試策靈鼇浮海去  
更騎香象渡河來韻偕麟管珠光吐字織龍梭錦片裁  
閬苑高歌誰是伴祇應島佛共追陪

劍仙

雙丸奇技出袁公手掣龍泉嘯晚風紅線昔曾依節度  
紫衣今不戀司空漫憑歐冶神靈助自是崑崙膽氣雄  
俠骨盡登仙籙裏星冠擁入絳都宮

袖底青萍百鍊霜九霄駿鶻共飛翔虬髯已作扶餘主  
羊角新傳聶隱娘三十年中修浩劫四明山畔起寒光  
笑他龍武軍前僕夜半琵琶獻繡囊

家在江南黃葉村

丁酉

李公妙筆開生面烟景蕭疎出遠村畫裏歸帆驚客夢  
江邊黃葉認家園鄉心共逐青溪水秋色曾題白下門  
不愛綠陰遮屋角聊將墨雨繪籬根茅檐霜彈千枝影  
瓜步潮添一抹痕松菊擬尋陶令宅林泉應傍謝公墩  
峨眉風月懷前度京口雲山憶幾番便欲買舟陽羨去  
荻花如雪撲金樽

二知軒詩鈔

卷一

五

白秋海棠

鉛華洗盡識秋心第一休推白玉簪風定含嬌幽砌畔  
月明分豔古牆陰描將粉本痕猶膩擬到紅妝淡不禁  
如此清姿傲冰雪那須深屋鎖黃金  
屈指春回八月天色香雨不鬪芳妍生憎蜀錦誇妃子  
惆悵湘波讓水仙儘有檀心偏脈脈略無媚骨自娟娟  
芙蓉檻外蘋洲側腸斷西風又一年

金魚歌

吁嗟乎萬物形形色色各殊狀世人大抵皆皮相燕雀  
每困樊籠間駿骨亦市層臺上當其伏處等螻屈力弱



難跋龍門浪半生甘作池中物聊將文采投時尚魚乎  
魚乎胡不出崑墟離雲津得隨鯤鵬之侶直上霄漢辭  
風塵一息萬里誰能馴不然濠梁信足樂忘機豈必遭  
網綸朝游波濤中夕潛江湖濱洋洋所在全天真奈何  
瑰姿異質炫其美往往閉置堂坳裏泥塗縱免涸鮒悲  
供養依然升斗水錦翅銀鱗何燦爛砌玉堆金暗中換  
變態能教俗眼驚物色自詡人功半君不見橫海之鱣  
揚鬣未肯眠深淵又不見吞舟之鯨掉尾直欲摩青天  
若使波臣一一論形體虬螭那得騰躍風雲巔魚乎魚  
乎泡光幻影原如寄鳳尾龍睛空示異就令終無點額  
二知軒詩鈔 卷一

六

秋影

雁陣涵秋掠遠空依依霜信到岩櫳落霞飛度劍山北  
涼月孤懸淮水東剪燭也曾消永夜隔簾遮莫繪西風  
憑誰寫出蕭疎影半在梧階菊徑中

秋味

晚涼天氣雨初收品到清商倍覺幽寒士吟酸三徑月

好花開澹一籬秋飽看紅葉疑無路醉擁青山不上樓  
偏是閒中知領畧碧欄干外捲珊瑚

秋思

悵望闕河十二時秋來寥闊寄相思心驚天半征鴻影  
腸斷風前楊柳枝砧杵傳情怨蕭瑟刀環入夢感栖遲  
離愁萬種難拋卻怕聽山城畫角吹

秋聲

無邊爽籟發幽情豈獨蟲添四壁聲萬壑風高雜猿嘯  
一江潮起冷鼉更悲笳隱隱思夔府落葉蕭蕭憶石城  
天遣商音留絕調聽來不讓管絃清

二知軒詩鈔

卷一

七

蟋蟀吟

唐風首蟋蟀聊以辨勤逸幽詩載莎雞藉之紀時日今  
者殊不然愛護一何暱每當振羽時提籠夜夜出竟夕  
不能寐側耳聽唧唧控索靡子遺籬根與柱礎次第登  
瓦盆紛紛列滿室飼養費經營品題務周悉天遣此么  
麼齒牙利無匹秋深啓戎心勝負兩難必銳者鋒莫櫻  
共慶師貞吉鈍者走且僵竊愧師失律千金供一喙形  
神爲之怵或謂觀距躍可悟孫吳術抑知賈平章軍國  
事勿恤微蟲尚有靈禦侮輒奮疾世間巽懦輩對之應  
自失何如任天機臨風韻蕭瑟留作不平鳴寒窗勵佔



畢

看奕

不向局中困旁觀自了然失機嫌落後得勢快爭先劫  
盡重圍破根牢四角全紛紛誇智力那敵寸心專  
袖手看成敗無言對一枰巧思原叵測冷眼獨分明鄭  
重侔堅壘倉皇等曳兵夜窗邀坐隱蓮漏答丁丁

感懷三首

鴟毬頻年慣才疎遇合乖風雲失燕市花月淡秦淮地  
迴雕盤仄波渾劍氣埋寒蟿啼不住棖觸寫予懷  
一擊翻成悞淒涼博浪中鵬程千里隔鸚薦五回空名  
二知軒詩鈔卷一  
豈文章顯心因著作雄升沈兩無定誰與叩蒼穹  
席帽風塵內曾經十度秋人皆誇後起我敢倦前修温  
飽情難戀騰驤力自適迢迢雲路上何日奮驂騮

秋日草堂雜詠

絢爛秋光分外嘉繞籬千朵簇紅紗封姨近日裁雲錦  
添出人間富貴花

剪秋羅

半縷幽芬膩睡鄉銀毬低挂水晶牀銷魂不亞玲瓏雪

謂茉莉

也是花中第一香

夜來香

籬畔休同夜合栽午風吹捲翠千堆秋來若使黃姑覓

移向蔚藍天上開

牽牛花

柔藤萬縷映蒼髯遮斷西風錦作襜疑是女蘿慙附託  
紅潮湧上翠眉尖

錦屏松

盆蘭經歲無花今秋偶開一箭斗室幽芬彌旬不散詩以志感

客秋苦寥落未採蟾宮香蕭然歸做廬草木皆無光豈  
知幽谷姿亦戀富貴場移花伴冷客花若難孤芳微馨  
不可挹翠葉空含香秋風倏又來祝花無盡藏忍使失  
意人攬物氣不揚花果解人意特立羞炎涼落落謝羣  
豔聊與子偕臧一幹六七花馥郁清詩賜對之歌楚些  
宛若遊衡湘笑彼蓀與蕙芳菲襲衣裳萬本開漚溪千  
二知軒詩鈔 卷一

九

叢茂都梁娉婷玉鮎嬌半助秦娥妝一朝羅綺盡春去  
何堂堂不如守介節挺秀騷人傍穠華屏弗炫臭味深  
且長九畹那足慕香國從此倡珍重訂同心素交毋相  
忘待我出泥塗花亦爲軒昂清芬貫四時獻瑞同芝房  
寄語蓬茅士莫詠猗蘭章

詠懷四首

何時灑翰五雲邊一別金臺已六年筆底鴻文壯潘陸  
胸中豪氣露幽燕情殷望古心如結事愧因人志不堅  
那待聞雞方起舞夜來早夢祖生鞭

愁伴青氍守做廬蹉跎容易負居諸匡時董子三篇策



發憤蘇秦十上書遇合斯文原有分窮通天意竟何如  
羨他西去長安客雪地頻馳問字車

科第驚心十載中名場潦倒氣偏雄登雲未必皆前輩  
題塔依然半寓公恥學劉幾矜調險羞隨阮籍怨途窮  
廬溝楊柳桑乾月盼我重來賦轉蓬

勞薪幾度憶京華肯共王孫醉酒家玳瑁筵前青玉盃  
芙蓉花下碧油車司空見慣何須戀杜牧詩狂莫浪誇  
掃卻閒情志霄漢二千里外踏風沙

哭大妹

竟被參苓誤重泉尙不知呱呱留弱女憤憤遇庸醫  
二知軒詩鈔卷一  
病愁偏繼兄來悵已遲撫棺呼不應中夜獨銜悲  
離家纔五月到此忽淒涼抱恨情誰訴思親淚不長  
羸  
斂真命薄骨肉倍心傷明日渡淮去臨風空斷腸

曉發上洪

兩峯截嶮峙東西萬頃烟波曉色淒沙岸遠排帆影密  
蒼崖冷壓浪花低飛鴻陣陣都辭塞疎柳毵毵不滿隄  
慘向歸途重回首河山風景望中迷

途中雜興

麥苗初長綠如薺老樹全髡碧化烟曠野凝眸悄無語  
雁聲嗚咽起遙天

遠山蒼翠露橫斜  
獵獵驚風暗捲沙  
行到荒村更淒絕  
澗邊開老白蘆花

壽春郭外曉行

霜華何皎皎  
匝野飛玉屑  
喚渡寂無人  
波紋凍成纈  
飢驅此行路  
風景去如瞥  
道旁柳百圍  
亭臺想清絕  
主人不在園  
疎條那堪折  
西望紫金山  
羣峯露凹凸  
因思淮南子  
空擅長生訣  
丹成人不見  
神仙毋太拙  
青山忽騰笑  
使我心蘊結  
野花開獨豔  
一樹子規血

宿正陽關

揚豫流爭滙  
依依水一方  
澄波環四面  
落日冷千檣  
地

二知軒詩鈔

卷一

三

重舊關隘僧閒古塌房

寺名

寒宵渾不寐  
欹枕厭更長

至石家崑謁祖墓晚次霍邱作

故鄉卅里問途來  
寥落孤村感盛衰  
七葉雲仍今到此  
摩挲碑碣重低徊

河濱自昔兆牛眠  
冶水分支利卜遷  
負郭膏腴三萬頃  
如何空贖墓門田

矮屋低簷三兩家  
匆匆小憇日西斜  
最憐地僻無行客  
繡罽縱橫路幾叉

幾畝回首戀荒郊  
桑梓情殷不肯拋  
未入市墟天已暮

一星遠火漏松梢



固始道上

雞聲亂唱征人起地界鄉關路乍經澗水無冰皺寒碧  
林巒迷霧失遙青銜山月小天初曙傍野村多客屢停  
地近泉河風更急漫空鴉點散零星

雨後早行

料峭西風釀雪天濕雲低滃白無邊松多冷翠連陂秀  
麥長新苗帶雨鮮沙地不聞泥滑滑荒村但覺夜絲懸  
僕夫况瘁憑誰訴拚取今朝定息肩

二知軒詩鈔

卷一

古今體詩一百二十首 己亥至辛丑

己亥新春和迺亭族伯試筆詩原韻

冰雪漫空冷髻華  
相思百里卽天涯  
詩來人日飛吟札  
筆灑春風綻墨花  
麗句漫輸金谷酒  
清詞快飲玉川茶  
一窗松影真幽絕  
閒坐敲棋靜不譁

晴光轉瞬換韶華  
春到山巔共水涯  
萬縷烟痕蘇漢柳  
十分火候助唐花  
魚驚破浪剛垂釣  
鳥喚提壺更煮茶  
都與騷壇增逸興  
銜枚戰士願無譁

二知軒詩鈔

卷二

一

輪蹄計日向京華  
翹首龍門定有涯  
心地只因虛似竹  
文章敢說豔如花  
山城月上催行騎  
沙岸風和聽賣茶  
此去天衢雲路近  
肯隨燕雀鬪喧譁

詠雪和韻

彤雲密布晚來天  
萬片瓊瑩慶有年  
瑤島妝成疑琢玉  
紅爐點罷漫生烟  
香尋梅鴨融雙屐  
聲咽松濤凍七絃  
紙帳夢回涼似水  
醉歌招隱不思眠

醞釀層霄頃刻中  
天花飄灑出龍宮  
詞妍受簡推司馬  
帖展時晴快戲鴻  
蒲類海邊寒起霧  
昆明臺上舞迴風  
清吟擬換陽春調  
一幅冰綃寄驛筒



誰道空桑別有天，願將三白頌年年。  
無風自歇簷牙溜，不雨偏籠屋角烟。  
幽徑客爭披鶴氅，深閨人嬾撥鴟絃。  
生平愛讀王孫子，敢笑焦公地上眠。

放眼光明大地中，琉璃世界水晶宮。  
千山散漫驚飛鳥，一氣蒼茫鼓泰鴻。  
茗椀清逾蒙頂露，詩囊冷壓灞橋風。  
敲冰欲煮銀絲脍，獨向寒江理釣筒。

靈丹潤骨降瑤天，春雪曰潤骨丹那異嵯州人貢年。  
謝女多才吟柳絮，坡公拈韻寫松烟。

碧空半曳吳門練，綠綺初調郢客絃。  
九斛玉塵輸不得，仙山難傍白雲眠。

擬泛扁舟入剡中，樓臺千里化璇宮。  
峨嵋山老啼猿狖，二知軒詩鈔卷二

梁苑雲低滯雁鴻，地脉交蘇潛布澤。  
天瓢細洒不禁風，太平豈有封條詠。  
應候常符嶰谷筒。

雲根石髮白，漫天莫把青山比。  
少年翻用東坡詩碧沼平鋪

收浪縠瓊幃，深下鎖爐烟。  
馬穿滑逕頻迷路，鳥息歌聲罷撫絃。  
最是軒窗增皎潔，蕭齋未許枕書眠。

斷葦殘蕉一抹中，天留畫本傲南宮。  
咸池日冷停羲馭，墨海冰堅說帝鴻。  
檻外黃昏如霽月，座間白戰到春風。

曉來凍雀歸檐噪，喜對晴光挹酒筒。

前詩既成，意有未盡，因復兩疊元韻，並以寫懷。

到此真成淡漠天，掃除熱惱自今年。  
一塵不染原如水。

萬隴全平欲斷烟寂寂沙隄人戴笠紛紛冰澗夜鳴絃  
遙知驢背吟詩客笑指旗亭柳盡眠

非露非霜變幻中元陰摩盪氣諸宮泥融地戶剛驚蟄  
寒逼天鈞暗轉鴻釀出桃花三月浪吹來荻絮五更風  
唱酬慙是巴人曲緩疊蠻牋貯翠筒

翹首風雲會九天詞壇仙侶正華年

謂孫沛農

輪他薇省添

新草笑我蓬廬冷暮烟徑阻終南須改轍陽回日下待  
調絃杜陵廣厦原相庇休羨田家曝背眠

高下迷離四望中星虛不辨斗牛宮踏從雲路情難駐  
送入燕臺勢若鴻

天鴻雪見水經注

揮灑三霄欣得地飛揚萬

二知軒詩鈔

卷二

三

里總乘風百花頭上探消息瑞溢雙魚遠寄筒

自南沙河至界河車馬疲乏間住半日漫題壁上

纔過沙河又界河馬蹄局促駐平坡市人漫有空羣目  
壯士羞聞伏櫪歌自笑塵中遭困久偏因客裏得閒多  
明朝願展驅風足莫遣征夫怨坎珂

乞兒歎

我行兗州道井田玩遺址來牟秀漸漸豐年古如此胡  
爲蓬頭跣足人呼號被野目難視一錢活命願已足隨  
車那肯避鞭箠君不見揮金如土富家兒琵琶一曲春  
風裏但解鶯聲能悅耳焉知鴻雁哀鳴起



車中雜詠

廉纖細雨溼飛沙野老迎車賣井垂春色隔牆關不住  
紫荆樹底碧桃花

萬里雲陰澹未消離情深鎖柳千條家園應有栽花課  
細撥香泥種菊苗

西風獵獵路縱橫擁被酣眠不計程半晌忽驚遊子夢  
臨街飛過畫眉聲

高吳橋曉行

一夜涼飈掃積陰曉來霽色透疎林野橋無水沙空漾  
客邸思鄉酒罷斟麥浪輕翻疑荇帶蘆芽低矗似秧針

二知軒詩鈔

卷二

四

摩挲細認留題字舊雨茗溪感不禁

旅店有吳興陳抱之題壁字

口占

樹色拖藍繞四圍暖風抽麥土膏肥板橋一道平如砥  
只少衝波白鷺飛

汶上

四野風威壯衝寒客問途烟隨村樹合早藉井泉蘇

天旱

咸以井水澆麥田

穀雨車中度梨雲隴上鋪披裘及春暮尙覺

冷侵膚

停驂東郭外紅日未沈西一水通洙泗孤城界魯齊地  
嫌茅店隘路礙柳陰低自信無塵障尋春漫品題

沙河 東平郭外

昔年秋漲湧白浪盡翻銀

壬辰秋末過此河水甚大

今歲春潮涸黃

沙半掩輪滄桑成小劫名利絆閒身計日長安近天街

踏軟塵

舊縣山溝

險隘何時闢崇碑紀甲申中央開坦坦一綫走鞦韆望

重粉榆社恩周南北人柳泉歸路穩山勢失嶙峋

聞當事者

創修柳泉山路

倉頡墓

文字千年祖真參造化權馨香垂簡冊碑碣表荒阡制

二知軒詩鈔

卷二

五

擴雲書外功開史籀先銅城墩畔望憑弔意茫然

車中偶成

遠望長衢似砥平雙輪輾轉四蹄輕一番風當一番雨

半日陰兼半日晴莫以艱辛忘抱負休將溫飽累平生

車中信意添吟稿那待裁箋句始成

旅店感懷

征途迢遞赴名場北去風雲送雁行出處未知矜小節

遠遊何以慰高堂心存退步方能進學到柔時卽至剛

歷盡崎嶇增壯志不須惆悵在他鄉

途中自誠兼示三弟



白日去堂堂春光倏將暮少壯有幾時努力方無誤緊  
子兩昆季劬勞此行路所志在遠大兢兢守吾素擾攘  
風塵中光陰每虛度偶然入情障一錯幾堪鑄君子貴  
保身秉彝全所賦世途任波靡寸心金石固不有堅忍  
操靈臺常蔽錮不有超邁姿冥頑鮮覺悟淑躬等圭璧  
浮華豈可務雖在造次間天君善保護情偽日以消神  
明日以裕勵我進修基卽是乘時具相期奮天衢共展  
凌雲步豈無韋布士榮名旦暮遇窮通縱有定德業先  
建樹人生天地間脚根須立住何以造斯境曰戒慎恐  
懼

二知軒詩鈔

卷二

六

平原道上遇雨

青天黯黯雲沈沈風狂似虎初出林長空怒吼挾雨過  
陽和一霎偏蕭森三更雨止風未止柝聲寒逼征人起  
起時鄉夢記分明別離無奈重行行車中偃蹇不成寐  
但聞千樹萬樹盡作寒濤鳴天公冷暖尙無定狂儒那  
用咄咄嗟世情

富莊驛店壁見有浣花溪女詩感賦

清吟想見貌娟娟海上髯公竟有緣

用原詩意

始信錦江春

色富才華新續薛濤箋

明月照交河郎心清似水相思復相望盈盈隔千里春色惱橫塘妾病守空房多情復多恨迢迢辭故鄉階畔丁香花開作同心結結住蕩子心不願生離別戶外相思樹化爲連理枝枝枝堪折取莫待花落時

入都門口占

六載驅車地春風今又來綠楊環近郭紅藥豔重臺舊徑渾難識離愁撥不開觚稜翹首望雲氣鬱蓬萊

卽事

離家九度月圓時草草勞人只自知塵市於今難插脚名場到此竟揚眉冰花滿逕迷車轍雪影穿簾凍酒卮  
二知軒詩鈔 卷二 七  
多恐寒梅應笑我夜深不下讀書帷

庚子三月十五夜闌中和邊棣園

韻

鍾鄂

同年詩元

彈指春風又一年不才敢望受人憐蓬山未到真難卜

瑣院重逢自有緣

去冬考試學正余曾與棣園同號舍

尺幅書成文戰捷

千鈞鍊就筆鋒圓何時同步天衢上得意看花快著鞭  
壯心鬱鬱感華年遇合無憑漫乞憐敢說功名歸氣數  
要將文字結因緣卿雲翹首三霄近皓月驚心七度圓  
我本鶩駘還自奮孫陽可許策先鞭

送鄭藹人

延錦

同年之官閩中卽題西窗語兩圖



我來長安道風塵苦僕僕所見半熟客相逢炫衣裸自  
遇鄭當時久交意彌篤去歲甫識面豪情遂我欲卜居  
喜相近劇談常翦燭有時論今古高瞻還遠矚有時發  
箴規善道兼忠告有時入肆沽共醉中山醪有時斫地  
歌同譜陽春曲目耕詩一卷手談棋幾局餘事善相人  
技許九方續策我入雲程秋風健鴻鵠過從屢晨夕咳  
唾皆珠玉笑彼炎涼態登場何局促君本詩禮裔涑水  
緬芳躅家學紹沅陵賢聲著巴蜀偶遭宦海波壯士不  
爲辱願展百里才天衢奮驥驟長安偕作客邂逅願已  
足今春兩罷耗名謝千佛錄君如社後燕我似繭中蠟

二知軒詩鈔

卷二

八

送君赴山左

令姪爲  
淄川令

衡齋暑應溽遙知佐小阮冤洗北

海獄况有袁愍孫夜窗書自督歸來復相見快傾杯中

涿聚散忽靡常予懷倍悵觸君去理簿書遠泛聞江綠

從茲播德政撫綏懲炎酷鄙屋窮簷間舍和比朝旭清

節繼選錢榮名標樹燾以君超邁姿彈冠慶相屬愧我

滯燕市未解宴安毒竭履類駑駘不鳴受羈梏流光日

以逝俯仰天爲跼良友難再覲行藏鮮所勗披圖感深

意素交屏華縟座陳塵尾柄筵却龍鬚褥落落畫中人

高風想顏歌令我熱惱胃如以冰雪沃何時重把酒園

蔬手自劬遇合渺無定出卜擬握粟君行不可留長歌

芻一束

辛丑閏三月二十五日偕何地山

廷謙

出都孫沛

農

家澤

振之

家鐸

於小有餘芳餞別

長安小住忽三年惆悵臨歧懶著鞭  
燕壘猶存花事寂 隔簾空鎖綠楊烟

去年君亦塵中客

謂振之

今日偏爲送別人莫道瀛洲仙

路遠再來應許出迷津

貍奴斃於車下詩以哀之

賈魚方待聘

瀕行已許贈胡荅年  
奴子不察復載之行

投鼠條無功命畢雙

輪下心淒一夢中餘腥驚野馬殘血飽沙蟲  
頌佛翻罹

二知軒詩鈔

卷二

九

却憑誰訴碧翁

夜行卽景

繁星照地夜未央浮雲掃盡天蒼蒼  
樹陰如墨風不颺 麥畦雨過生微涼  
兩驂並駕分雁行驚駘亦復思騰驤  
鈴聲幾隊何郎當車中側耳心徬徨  
有時忽覺清詩腸 一蛙閣閣鳴道旁

任邱晤邊棣園

昔時兩度契苔岑競仰高門世澤深  
餘韻至今留著作

棣園以其先人  
詩卓二種見贈

知交與我共升沈燕南此日愁分襁  
冀

北明年仵盍簪報道鼠姑花已謝

棣園云園中  
牡丹已謝

令人那



不動鄉心

早發河間

野花鋪地白于雪高柳隔溪青過門殘月未收天已曙  
風吹霽色澹平原

苦塵

古今一塵海萬物皆牢籠矧茲苦行役浩蕩驚飛蓬自  
從住京洛勞勞踏軟紅俗哉三斗塵祓濯恥無功吹垢  
夢非真泥塗傷道窮駕此薄笨車擾攘風塵中狂飈挾  
以至面目爲之蒙鼻觀掩吾嗅耳垣塞吾聰聲噤色亦  
沮僕馬將毋同青衫日黯淡淄涅淪素衷直將恒河沙  
二知軒詩鈔 卷二

十

簞揚困藐躬况復屈長羸蘊隆方蟲蟲人生懼埋沒清  
白盟初終方寸淨無滓塊壘胥消融皎皎安可污卓立  
筋骸充萬里謝塵氛破浪乘長風誰知伏草萊披襟氣  
不雄眾濁弗能避煩囂每相攻何時得雲雨變化騰蛟  
龍奮我出塵姿一洗埃盪空

德州道上

忽驚鄉夢醒行色黯深宵沙軟輪如水舟平纜作橋疲  
羸鞭不起癡僕語偏驕擁被添吟興渾忘歸路遙  
已是清和節風來尙怯寒塵居窺屋漏酸味品牢丸室  
笑三椽隘飢憐一飽難酒家行處有去去憶長安

恩縣

賣茶聲裏駐鳴鑣水繞荒城驛路遙赤日當空風色緊  
青蘆萬葉戰蕭蕭

舊縣卽事

世路何險噉行行復止止坦途有危機愚者昧其理夜  
來入山徑崎嶇數十里不聞車鞿麟但聽石齒齒夾道  
沙壁立一綫僅容軌局促轅下駒偃蹇何能駛車中獨  
危坐心在愁城裏僕夫悍不顧袖手握鞭箠四山風葉  
號曉色辨行李安步出坎坳夷然險可履方幸亨衢通  
載歌周道砥胡爲竟覆轍平地風波起控縱失所宜馳  
二知軒詩鈔卷二

十一

驅安足恃雙輪偃向天繆絀不如此愧無挾輶勇尙有  
超乘技遇危而得安且懼亦且喜因之悟處境晏安最  
可恥禍福相倚伏其間瞬息耳誰謂平不陂唯心足轉  
徙惡勞與喜逸滔滔者皆是

戲作

郵亭寂寞易成眠擾擾紅塵此息肩夢醒猶疑身是蝶  
夜來飛上四條絃

銀沙千頃泗橋灣東魯名區數往還孤客一鞭行得得  
夕陽西下萬重山

沙岸膏腴地不荒行人來往說豐穰萬畦濃碧齊抽穗



野鳥聲聲叫麥黃

嶧山湖晚眺

金隄如帶界中央  
滾滾寒波下嶧陽  
萬斛濤聲喧兩牖  
一天雲影鎖千檣  
舟來吳會江流遠  
水灌漕河地脈長  
西望明湖三百里  
遙山斜矗晚烟蒼

雨中過柳泉茅村

亂山叢石路橫斜  
行到荒村駐客車  
白雨千絲紅一點  
隔牆初放石榴花

野塘風景足流連  
不讓江南四月天  
水荇有花蘆葉嫩  
麥畦低漾綠田田

二知軒詩鈔

卷二

三

渡黃河

彈指勞生廿載過  
彭城五度記臨河  
雲山鬱鬱開雄塹  
歲月滔滔感逝波  
路隔蓬瀛空企望  
氣吞湖海漫消磨  
星狼指日妖氛靖  
願把銀濤洗甲戈

岳武穆王廟

桃山驛

天心未許到黃龍  
孤負將軍百戰功  
父子一門堅義勇  
江山半壁限英雄  
班書有詔冤三字  
和議無人念兩宮  
千古傷心齊下淚  
官家憤憤失精忠

西泠湖畔謁忠墳  
十七年前想舊聞  
好檜北來能蔽日  
貞松南向獨蟠雲  
滅金未遂元戎志  
鑄鐵曾消海寇軍

今日桃山重展拜中興事業感紛紛

買舟固鎮

纔息輪蹄苦停車又挂帆微風雙槳漾落日半梳銜山  
遠螺如點波平鏡不函推篷看新月涼意透征衫

舟行賦長句

澮河兩月雨不止雨聲怒挾濤聲起春風一夜漲桃花  
銀浪排空百餘里邇來雨止水未殺村墟半沒洪波裏  
黃雲倒漾麥無秋魚梁上隴舟人喜我今買舟河之濱  
臨流一洗車中塵剗木如甕不開漏傍梳高坐渴飲醅  
俯視阡陌入巨浸災滂所在悲鳩民此時東粵夷氛煽

二知軒詩鈔

卷二

三

血染珠紅濤不練辛豐山下羽書飛符離浦外奔如電  
直須一戰息鯨波風驅雲捲揮天戈礮火無光賊膽落  
虎門勁旅擒么麼書生潦倒困燕市紅塵十丈皆坎軻  
憂國憂民抱虛願依然返棹淮與渦南望滄溟北望闕  
羞向江湖歌散髮對此茫茫惑百端欹枕臥看天上月

晚泊雙河

打頭風正急黃月又銜山烏鬼傍舟宿漁童收網還村  
墟迷遠市星火澹前灣散步河汀上聲聲蚓笛聞

阻風

離鄉二百里失計在登舟人不如宗慤風偏似石尤功



名慙化鯉心迹愧閒鷗登岸茫無路萍蹤悔浪遊

題黃琴士泛海圖

先生古叔度汪汪千頃波清心鑒於水十載遊淮渦書聲洽琴韻酒膽驅詩魔有時發長嘯拔劍斫地歌別來倏四秋塵海同消磨先生賦招隱八公山之阿賤子入京洛歲逢豕渡河兩遇引回風依然春夢婆蓬瀛遠莫到蘄屈嗟坎軻滔滔日以逝瞥眼流光過歸家展尺素筆墨難縷覩此圖契我心浩然起長哦憶昨傲道院星使門可羅

寓都中圓通觀與林殿撰鴻年比鄰殿撰曾出使琉球

中懸海外書濡

染成擘窠

有長風萬里扁額中山王所書

爲言禮教邦效順擬趙佗風

二知軒詩鈔

卷二

古

濤不知險靈佑紀白螺詎意島間夷蠢動如么麼我皇奮智勇決策誅媮嬰星狼避弧矢壯矣元老番濁浪息鯨鯢滄溟收蛟鼉虜功在指顧奏凱鏘鳴珂海天自清宴胡爲依澗薏丈夫願投筆落落心無他一息逾萬里勇往休蹉跎望洋而卻步踟躕終如何翹首瀛海東神仙安樂窩移情伴成連絃誦揚天和醉傾瓊島漿赤松顏爲酡直隨釣鰲客臨流披烟簑笑彼塵中人紛紛笏與鞞

感興十八首用張船山先生寶雞題壁韻

書空咄咄恨難平憂患無人審重輕國有漏卮容外寇

天開劫運阨蒼生衣冠北闕晨披臙烽火南天夜結營  
太息庸臣常縱敵海濱小醜竟橫行

番舶交馳賊膽麤暗將鳩毒釀兵符通洋處處來奸賈  
陳戒紛紛笑腐儒呼吸已催生氣盡侵牟能免殺機無  
涓涓共切淪胥痛官懦民貧地脈枯

利藪潛移水府錢網疎禁弛慨徒然森嚴獨議三條律  
飢渴誰忘一炷烟臣矢孤忠防積蠹世譏新法比聞鶻  
澆風未去開邊釁餉勞師已二年

鯨波東注逼軍門血染前山細柳屯守土人亡張賊勢  
登陴兵散負天恩幕邊巢燕嗟無壘井底鳴蛙妄自尊

二知軒詩鈔

卷二

五

大纛高牙方坐擁可知猿鶴劇銷魂

獻俘斬馘尚從寬醜酒椎牛樂晏安專閫有權甘坐視  
援師無力痛旁觀狐疑但覺紆籌苦狼狽應知決勝難  
袖手不談兵旅事逍遙且自散鄉團

陰謀構隙信夷文鬼蜮奸私善沮軍柳口烽烟迷壁壘  
蘆溝星騎駭傳聞牲牢助餉人忘寇礮火收芒石免焚  
不見羊城舊開府排空戰艦密如雲

聲威空自懾遐荒辛苦黃梁夢一場事業半途同覆鹿  
功名末路類羝羊升沈此際餘忠憤清濁何人代激揚  
兔狡狼貪欣得計摩挲長劍歎無鋌



攻守於今勢不同可憐一炬罪興戎從來丞相持和議  
自古貪夫喜冒功蠻觸有時陽納款鴟張何事許交通  
爪牙心旅全無濟鎖鑰教人念寇公

雪偃貔貅夜泣麟元戎翻覺是閒身虎牢近日誰增戍  
羊舌當年獨賀貧戈戟沈埋疲戰旅苞苴來往匿奸民  
漢家計笑和親拙誤把安危託婦人

飄瞥炎氛煽廣州將軍無骨可封侯粘天霹靂災戎馬  
捲地波濤失斗牛貂錦紛紛新戰鬼蟲沙隊隊舊防秋  
喚區竟落夷人手五嶺頻添意外憂

承平啟瑞頌囊珠縱有攙槍掃自無天上牙璋下衡岳  
二知軒詩鈔 卷二

去

軍中鼓角震巴巫重臣轉餉心應細老將談兵氣不麤  
褒鄂英名歸節制運籌何以靖南都

越東近已戍烟消併力番州意轉驕割地我曾拋險隘  
老師寇不患迢遙功高斬國金山役膽落曹營赤壁燒  
誰料兵多偏畏敵弓刀影裏太蕭條

萬隴成墟冷麥胎花田燐火逐人來出師告捷傷先倍  
入寇求和事可猜轍覆前車原易鑿變生後路莫輕開  
披猖祇爲錐刀利克復端應恃將材

朝廷飛詔責殲渠豈有孫吳昧疾徐賞罰朦朧驕縱後  
士民哀惋喪亡餘黃金卽許權宜用白骨誰能借力噓

助虐兇頑真巨測乞恩便欲緩驅除

么麼那解戴恩施義勇雖堅孰護持千古戎貪同一慨  
兩軍血戰未全遲敢云兵退初無詐忍道城孤不可爲  
地勢民情終懵懂此中成敗少人知

軍書絡繹赴皇州烟柳無情鎖驛樓萬里驚塵咸避突  
數行疲馬盡馱愁道旁引領歌三捷河上傳聞詠二矛  
驚堠烏亭黯行色幾人投筆壯南遊

荼火安能免劫灰傷心徵調幾時回軍分水陸難相倚  
夢入刀鐮或浪猜生羨龍韜舒偉績死憐馬革裏雄才  
秋風轉曠催砧杵萬疊霜衣雁送來

二知軒詩鈔

卷二

七

憂國憂民論短長妖星徑欲射天狼要知忠義非奇行  
漫說干戈在異鄉勇奮揮鞭平島嶼圖成聚米出書倉  
銷兵盡寫歸農樂重賦東山古鹿場

追和鮑覺生太夫子壬午遊吳興二律

愧與郊祁匹同登海淀舟

公之胞姪康庠與濬頤同舉  
已亥京兆試放榜後御園

覆試三秋延後進廿載溯先猷權泛鷗波活香分麝月幽

公至吳興賜  
濬頤佳墨

高山今已渺詩卷願長留

昔記趨庭日曾瞻玉立身碧崖登處迥奇石訪來頻

道場山訪松  
雪三品石

齒並桐孫苗

公孫伯荀茂才  
與濬頤同庚

花攀桂樹新

湖山經別後誰和侍中藟



對雨漫歌

去年夏苦雨今年夏苦晴晴雨境旣殊對之百感生迴  
思遠遊日儼居長安城道院地卑濕莓苔青盈盈寒往  
暑又來石燕飛空鳴一雨不能止羲馭韜陽精屋漏笑  
牀牀無地支茶鎗堂坳積污水芥舟居然橫出門輒陷  
淖車馬不得行側問淀津外海波吐長鯨我師戰甲濡  
礮火全無聲越東彈丸區列艦皆夷兵雷霆發震怒天  
地爲喧轟苦雨復苦寇慨然思長纓雲黯黃金臺遊子  
難爲情場來返茅屋枯坐開書櫥時序倏如昨俯仰年  
華驚異地判炎涼附熱愁青蠅軍書日旁午目極天南  
二知軒詩鈔 卷二 六

營散步入田里閱此蚩蚩氓嗒者不知蔭揮汗猶躬耕  
二麥雖有秋禾黍方芽萌不有霖雨降何以歌西成天  
公愛吾鄉肅又分滋榮慰我望澤思穰膏沛太清暑多  
易以溽雨至忘三庚旱魃匿無影爽氣先秋迎溶溶起  
山帶漠漠侵簾旌披襟晚涼納殘滴喧瓜棚仰看新月  
光皎潔消櫬槍洗戈會有期蝸角除蠻爭毛錐安足用  
寸鐵偏錚錚風雲杳難際清淺迷蓬瀛獨立感蒼茫誰  
與鳴不平

迎秋詞

黃靈已罷雲翹舞金羈又擊迎神鼓嵩山石碎猿狖啼

杵聲催老梧桐兩魚龍有夜江海靜月殿新標廣寒府  
風颺瑟瑟謝朱律字輓那許鳴玉虎仰瞻青丙招搖西  
案戶漸覺繩河底石湖賀詩歐九賦秋士羅列分箋題  
南陸餞夏四庚過羲皇不敢北窗臥寒蟬一聲枝上咽  
流螢萬點衣邊坐赤驄迴馭丹鳥來旌旗如雪雲中開  
玉皇下詔白帝回爲築千萬招涼臺暮收整轡聞闔隄  
祁連灑道無點埃六壬六甲安在哉跨鶴仙人離蓬萊  
洪崖醉倒椒花杯

懷人詩十首

落落雲霞氣疎狂獨許親巴江迴噩夢燕市絆吟身辛

二知軒詩鈔 卷二

五

苦卅年事艱難百里人荔枝樓上客聽鼓又蕭辰

鄭謫人

十載長安道登雲仰士龍笑談成夙契蓼落愧重逢氣

共秋霜肅情偏舊雨濃至今懷漸陸遇合有奇蹤

陸稼堂

有道風流渺斯人一見之嘯歌非俗韻爛漫是吾師名

已鳳樓讓

孟寅以吉士改官秋曹令弟兩三旋于戊戌入詞垣

心應鳩士知白雲

千里外何以慰相思

郭孟寅

論交師友重兩度感齊年似我前途滯輸君一著先

帖存

新捷南宮升沈羞俗態車笠締新緣幽絕山中桂還招閭院

仙趙帖存

黃葉下桑乾羈人夢未闌庭闈勞盼望花月莫盤桓別



後書會寄歸來缺願彈微名應不戀珍重理秋鞍李傳甫

歐公門下士藻采孰如君有弟窺東觀也魯之弟研多農戊戌翰林

才冠一軍烏絲洒墨雨紅袖擁朝雲料得圓橋地新除

鄭廣文沈也魯

共此天涯客無緣入紫微小亭與余同取中書均未錄用偶傳流水調

隨意理金徽小亭愛鼓琴月滿紅橋路已返邗上秋生白板扉記名中書桂林龍

頭誰足冠豔說謝元暉鍾小亭翰臣旋得大魁故末句及之

同居十三世雍睦邁前賢人笑霜毫秃儂知傲骨堅諸

公方袞袞大阮復翩翩謂彼譜侍講寄語君休悔占豐有硯

田張正卿

二知軒詩鈔 卷二

三

罷入芙蓉幕來遊孤竹城一官甘冷落相對話親情上

谷行何速參軍髯已生但舒囊底智矮屋亦功名宣仲華

竹西歌吹夜冀北管絃秋不信佳公子長爲汗漫遊風

雲虛壯志花柳破閒愁回首禪關月已亥秋試余與心泉同寓普濟庵

真如水上漚趙心泉

草堂偶成

衡茅伴我十三年南北勞勞此息肩春夢兩驚燕市月

秋江四上秣陵船名低不敢誇千佛官冷依然守一瓊

回首長安衆仙侶筆花新吐鳳樓前

倚天長劍匣中鳴野鶴閒雲肯繫情塵市須防平地險

流泉還望出山清，目窮霄漢心懸切。寒到風霜骨鍊成，  
閉戶長吟忘永晝。小窗閒聽讀書聲。

七月初四日暴雨

雷車驟鼓雲旗翻，電光亂掣金蛇奔。秋陽匿影凍雨至，  
長空倒瀉如傾盆。神龍揚鬚勢欲下，四野墨墨天爲昏。  
孤松偃仰動鱗甲，風聲撼屋人聲喧。初如沙場吼金鐵，  
千騎不向營前屯。又如馮夷忽震怒，萬頃滂湃洪濤掀。  
今夏暘雨本時若，原隰彌望禾苗繁。胡爲入秋雨獨盛，  
飄泊苦念沿江村。傳聞瓠子起秋漲，危隄難挽流沙渾。  
大河安瀾亦已久，此雨恐助鯨波噴。安得移向海濱去，  
二知軒詩鈔 卷二 三  
炎氛淨掃清乾坤。雨窗兀坐發深喟，滿胸抑塞誰與論。  
禁愁旣無蜀酒醉，茅屋何計開芳樽。兩師仰祝願稍霽，  
月窟湧出青天根。

感夢

古今人世一夢境，富貴榮華祇俄頃。若教常作夢中看，  
盡屬泡光與幻影。真者似夢夢者真是真，是夢難分明。  
黃梁一枕須臾耳，大地強半皆廬生。吁嗟乎未來之事，  
果如夢造物何心。甘播弄夢中之事，果未來世人何苦。  
百念灰翻然一笑，幾絕倒有夢爭如無夢好。君不見信  
天翁獨了了。



七夕有乞巧之說詩以嘲之

智思靈蠢生於天清濁二氣相斡旋洪爐鼓鑄有頑鈍  
造物至此恒無權化拙爲巧意雖厚鑿死渾沌嗟徒然  
乞之上帝帝不應椎魯那得重陶甄乞之神聖神聖往  
聳聳未必手一編庸人庸福若傲倖窮通早定於生前  
百事可乞巧難乞不如守拙安塵緣兒童婦女冥不悟  
七夕乞巧開華筵文人游戲每附會此風千古常流傳  
我知黃姑對之啞然笑紛紛俗子殊可憐巧如可乞天  
孫何至猶償錢金梭絲網偶然事安得靈泉萬斛酒向  
神州邊

二知軒詩鈔

卷二

七日雨

三

天孫一掬淚釀作千絲雨豈無曬書人便便腹空鼓銀  
灣水淺鵲不飛百子池頭歌管稀昨日洗車今已歸歸  
期未久別離至玉女披衣黯空翠

代題

仲

文靜好圖

詩人揚扇重倫紀歷卷獨首關雎篇乾坤易象共此義  
風化肇自房中絃後來琴瑟誇靜好雞鳴戒旦洵乎賢  
吾宗奕葉盛治水訥安孝友古君子令妻今之孟德曜  
百年偕老田園裏斯人斯圖兩足重行藏暗合風詩旨  
要知唯靜葆天真至性先從本原起子舍當日和且愉

唱隨能令堂上娛持家共仰勤儉俱昆季娣姒偕匡扶  
一門雍睦足楷模靜中永保神明固和氣化作三珠樹  
卽今二難皆出羣孫枝已擅龍文譽蕃釐茂祉方無涯  
期頤歡佩揚其華君獨怡然守田舍抱負不在伯鸞下  
霸陵山上一曲琴舉案高風真醞藉階畔青棠樹對之  
可忘憂戶外碧畦秧快此稻梁謀笙歌鍾鼎那足羨靜  
好直與前賢侔我攬此圖媿奔走年來風雪飢驅久何  
時長作田間叟案有琴分尊有酒但得歸而謀諸婦一  
觴一詠不離口未知髣髴此圖否

憶舊遊四首

二知軒詩鈔

卷二

三

余生甫六齡迢迢去鄉縣維舟下菰城趨庭弗敢倦彈  
指五年中流光迅如箭衙齋頗不俗天香滿層院終日  
學吟唔危坐常開卷郭外清遠區高低兩葱蒨幽芬懷  
白蘋奇景識蒼弁玉湖月一彎金蓋雲千片春秋恣遊  
眺童心每歡忭更有笠澤濤銀海爲之眩棹歌浩無涯  
屐齒涉未徧別來十餘載湖山慳一面小字署飲茗聊  
以誌眷戀

歲在乙酉秋辭郡赴餘杭宦海險如此婉言慰高堂聚  
首不兩月蹙游雲水鄉步出萬松嶺夾道盤青蒼一葉  
泛西冷潭影澄秋光買魚汲湖水先爲慈母嘗鐘聲下



界聞天半禮雲房南高與北高歷歷何能忘離愁繫六  
橋風色澹疎楊雖無紀遊詩亦覺情徜徉歸帆及秋暮  
飽看紅葉霜

還家倏三載讀書念青紫兒時博一衿重闈顧之喜秋  
風四度來停舟白門裏蒼蒼鍾阜山漱漱秦淮水靄靄  
謝公墩依依長千里名場縛此身游興不敢起孤負好  
山川拘墟如俗子微倖獲微名誰甘半途止背城復無  
勇落拓乃至此淒涼桃葉渡愁雲黯行李投鞭斷江流  
去去長安市

昔時赴京洛朔風何凜冽辛卯十月前歲記重遊春光柳條

二知軒詩鈔

卷二

十四

洩己亥二月文望愧機雲離懷同蘊結鴛鴦偶一鳴官冷不

附熱驅車日下過觚稜耀晴雪神臬氣蔥蔥巖壑四圍  
列臨風鏘玉珂萬馬黃金埒我來冠蓋地自笑生涯拙  
城南尺五天池臺最清絕棗花與龍樹琳宮地幽潔壺  
觴滌鄉心朋簪助談屑歲月半銷磨碌碌輪蹄鐵流寓  
慨三遷中途雁行別黃葉逐雲飛蟬聲林外咽今春屢  
困頓抑鬱那堪說蜚英而騰茂羨彼詞壇傑南望督亢  
坡遊子歸思切蕭然出薊門再來忘故轍

漫詠

獨向筵前擊唾壺秋風秋雨莽平蕪邊庭萬里相如檄

江岸千家鄭俠圖議撫新聞撤烽火凌寒空見長菰蘆  
出山小草紛紛茂一例逢時說苑枯

六月初四日閱邸鈔作

天意清炎海靈威翊 聖朝重洋破番舶一怒降神颯  
霹靂聲同震鯨鯢氣不驕風雷能盪寇那用霍驃姚

得林鎮夫舍人寄書有感

動我京華夢勞勞十丈塵官卑原易補地冷不嫌貧湖  
海平生志風雲未了因蘆溝明歲月有意照離人  
紫澗靜波濤羊城土馬豪丹心籌雨露白骨病泉刀山  
有金銀氣人懷冰雪操重農思漢代千古首同搔

二知軒詩鈔

卷二

三

秋夜獨坐

蟲聲亂如雨淒淒撼四壁繁星照地明雲稀頓開羃獨  
坐不聞喧深宵萬緣寂願與古爲徒塵心靜中滌展卷  
屏睡魔渾忘漏三滴迴念秉燭遊萍蹤渺難覓光陰一  
過客令我思夕惕

喜晴

一雨綿綿久逢庚信有靈魚跳新水活松長斷枝青打  
劫棋爭試澆愁酒半醒曉風殘月路那用唱淋鈴

醉後戲作

世人患醉我患醒時局促難忘形世人願醒我願醉



醉中歌嘯總如意不飲不醉殊難支愁城萬疊何嶽巖  
譬如明鏡照魑魅令我瞠目嗟離奇但得一醉空千古  
滿腔鬱塞快傾吐不然膏膈入醉鄉胸無塵障真徜徉  
憤憤有時勝了了堅臥不受俗氛擾願學劉伶薄灌夫  
酒德至今知者少

代題梅鶴小照

高風千載說林逋笑指孤山興不孤和到霜中如我傲  
尋來月下伴人癯滿窗疎影閒魚漏一院清聲敵鳳雛  
花鳥有情皆眷屬水邊籬落快披圖

言志二首

二知軒詩鈔

卷二

美

不遇公輸子松柏淪蒿萊不逢九方臯騏驥混駑駘縱  
觀宇宙內何地無棄材牙曠世所希孤高羞自媒時命  
不可知誰能測將來前路何茫茫苦被流光催

登山喜其高臨淵羨其深高深亦常境此理堪研尋積  
累在寸銖愛古休薄今糟粕弗吐棄那異書中蟬不見  
釀蜜蜂穿遍百花林觀物復觀我悠然起遐心

題羅遜齋表叔知白圖

從來化工幾與畫工等高卑猶自分元黃牢籠萬物入  
雕繪太素一變皆文章卽空卽色發妙悟禪機儒理非  
荒唐獨有靈臺淨無滓其中空洞不使塵翳生毫芒水

精爲域玉壺朗冰雪皎皎聰明藏白兮白兮柱史之言  
可節取以黑亂白吾能防墨守者拙冥心者狂朱紫與  
文繡終日神皇皇何如天君淡定化其迹瑩然坐照形  
爲康我覽此圖不能著一字尺幅相對情徜徉但願先  
生攜入雲海最深處青山與子歌偕滅

秋燐怨

海天八月燐火飛似聞鬼哭聲獻歛陰光慘淡聚寒碧  
幽壑照見鯨鯢肥夜深白骨忽人立啾啾競向鮫宮泣  
怨氣衝霄牛斗驚野老聞之獨於邑死者何怨怨生者  
萬腔熱血沙場灑不見刀鏃得意人秋風快上桃花馬

二知軒詩鈔

卷二

三

吁嗟乎將軍帷幄懶運籌貌似女子非留侯豺狼吐氣  
猿鶴羞樓蘭誰斬單于頭澶淵議和豈善謀黃金如土  
濁水投魂魄爲厲恨不休義士捐軀良得所耿耿丹心  
耀千古歎彼偷生瞬息間不若早登點鬼簿南去滄溟  
咽逝波淒涼爲鶴更爲鵝可憐今夜花田月猶似當年  
無定河

中秋

去年今夜踏天街萬里清光淨若指讓我秋風留韻事  
懊儂明月照離懷茫茫猶憶花成幄淅淅偏聞雨滴階  
贏得團欒話雜黍更闌獨坐檢詩牌



津	册数	10
古	定价	400

